



QUÆSTIO MEDICA,
QUODLIBETARIIS DISPUTATIONIBUS
MANE' DISCUTIENDA
IN SCHOLIS MEDICORUM,

Die Martis quinta Februarii 1709.

M. LUDOVICO-FRANCISCO DUTAL,
DOCTORE MEDICO,
REI HERBARIÆ PROFESSORE,
PRÆSIDE.

An à Systematum varietate Medicina præstantior?

I.



QUÆSTIO Medicina suis florebat legibus, nunc ruit alienis; hinc quò quis ad excogitandum ingeniosior, eò quasi alter redivivus. Hippocrates, novitatis furore superbiens, peritior censetur. Cave interim ne in tantâ Systematum varietate falsâ veritatis imagine delusus, salebrosam Medicinæ viam incerto pede premas, sicque umbratilem doctrinam pro genuinâ amplectendo, nubem pro Junone captes: In hac enim ætate tot diversorum Systematum feraci ad Medicinam euntibus magis aditum ocludi putes, quàm Juvenum animos informari. Intima Naturæ penetralia referare cupis, nihilque te fugiat eorum quæ ad Medicinam

pertinent, ipsius motuum sis auceps sedulus, compendiosam ratiocinandi viam te vel muta edocebit: agendi enim simplicitas simplicem concipiendi modum ex-
postulat, rationum multiplicitas impotentiam arguit; hinc plus in arte nostrâ va-
lere experientiam naturæ motibus expressam comperies, quàm sæpè distortam
Neotericorum rationem, illam eorum unumquemque vel invitam in sui partes
trahere videbis incoñcussus: & constante experientiâ ex maximâ parte rationi
concessum putabis; hæc enim monstrante viam Natura satis abundè intelligitur,
rationum varietate sapiùs obscuratur. Systema enim somniantis animæ nunc po-
tius ludibrium definias, quàm veram Naturæ indagationem, sic eam præstantio-
rem Medicinam colliges, quæ majori simplicitate gaudet, pejorem, quæ multâ
systematum varietate intricata, leviusculis experimentis fulta, deviis rationibus
munita, in dies crescit & augetur.

II.

NATURA ubique sui similis semper eundem operandi modum servat,
suisque ritè instructa organis, pro diversâ illorum configuratione, nil fer-
mentorum indiga diversimodè operatur; sic alimenta in ventriculum ingesta solâ
partium trituratione fundit & liquat, undè chylus proxima sanguinis futura ma-
teries emergit. Dum cruori novus hospes intimè permiscetur, Naturæ simplicita-
tem demireris! à veteri sanguine adhuc crūdus subigitur, attenuatur, ac tandem
crassioribus particulis repurgatus, factusque fluidior, in ipsammet purpurei laticis
substantiam, solo circulationis motu facescit; donec in diversis machinæ incer-
niculis millemodis priùs agitatus, suis sordibus tandem omnimodè spoliatur. Ha-
rum aliæ quales sunt urina, sudor, lachrymæ tamquam inutiles foras amandan-
tur, dum aliæ ad peculiare usum à reliquo sanguine in diversis diverticulis sepa-
rata, coacervari solent; hinc bilis, succus pancreaticus, saliva multiplex, lym-
pha, spiritus animales, adeps &c. sic quamdiu sui juris Natura sanguinis defe-
catione, suimetipsius conservationi perenniter invigilat, solisque mechanice ad-
juta legibus sanitatem servat ac tuetur: Dum enim fibrarum, quibus constant
viscera, ea est firmitas, quæ pro suâ cujusque configuratione, pororumque stru-
cturâ, quidquid sibi noxium est, valeat aut respuere aut contractione abigere,
tunc hominem integrâ sanitate frui putes: secùs enim fatiscens Natura gemit
sub pondere morbi, tuncque inspissatum alicubi sanguinem suspiceris; De sani-
tatis enim essentiâ est, ut liberè fluat sanguis, undè fluidi motus solidique resi-
stentia individui Naturæ comites, probantur.

III.

MIRUM est! quàm à simplicissimis hisce Naturæ legibus, quamplurimi
recedant Novatores, qui nimio novitatis amore capti, mille diversas opi-
niones in medium proferunt, quæ plus ostentationis quàm doctrinæ complectan-
tur. Hinc quosdam in quæstiunculis hære videas, quæ ritè excussæ, nihil ad
artem conferant, ipsosque ita sollicitos demireris, ac si de totâ Republicâ agere-
tur, ut pilis vitam tribuant, aut Mathesin Medico necessariam probent: quasi
verò pilos non vitâ communi conjungi maximum sit artis dedecus, aut Medici-
nam ad numeros saltare oporteat. Illi naturam cruoris indagantes, cùm sangui-
nem rubro colore tinctum animadverterent, hunc ejusdem naturæ globulis in hu-
more crystallino natantibus maximo experientiæ conatu conslari judicarunt; Ast
quantùm indè utilitatis accesserit Medicinæ, indè colligas, ac si sanguinem albo

& rubro constare improbo labore detexissent. Nec minùs risum moveant, qui humana, ut inquirunt, tenuitatis conscii, de Naturæ cognitione superbè diffidentes demonstrationes, vel à præstantiori Physicâ desumptas aut tanquam inutiles, aut tanquam ad artem Medicam parùm pertinentes, respuunt; sicque quâ benè, quâ malè, nulloque naturæ respectu ægrotis exhibent remedia, ignotamque artem agitantes inglorii, de corio humano ludere non desinunt. Isti quos nullus fatigat pudor, generationis nodum satis abundè solvisse sibi gratulantur, si infinita prope modum animalcula quibus vermium nomen inditum est, ope microscopii in semine virili deprehenderint, aut deprehendisse putent, quæ mulierum utero recepta, succoque alibili nutrita, tandem homines evadant; non benè Naturæ simplicitatis memores, quæ innumeros in ipso vitæ limine trucidaret homines, ut unus in actum erumperet.

I V.

COR, musculus, sicut ab Hippocrate, sic ab omnibus definitum, cuique circulationis jura dare concessum erat, suum placidè motum à sanguine mutuabatur, nunc tumultuosè à quibusdam Neotericis frustratur, factumque duræ meningis minister ab eâ, ut aiunt, tanquam altero corde propter omnimodam structuræ similitudinem (undè ipsam cor cerebri appellant) suæ impulsionis motum accipit; hosce Novatores maximè cordatos jurè an injuriâ dixeris, qui duplici corde vel invitâ Naturâ gaudere velint. Sed quod mireris ideò cor à sanguine non moveri statuunt, ut suæ meningi blandiantur, quòd quædam exsecta è vivis animalibus corda, ne quidem guttâ Sanguinis in ipsis relicta, ad tempus suas tamen pulsationes edere videantur; quasi tunc temporis à durâ meningē (cui nullo modo respondent) motum potiùs mutuentur. Medicinæ Culinarij Salia Salibus aptantes, Medicinam acore suo inficiunt: rationem quaris, ab acido alimentorum dissolutionem, ab eodem morborum causas deducunt, sic eandem morbi & sanantis causam probant. Tota ramen alcalium acidorumque nomine resonat Medicina, ad quæ si omnem morborum originem tanquam ad genuinos fontes non retuleris, frustrâ te Medicum jactites; sed solos in arte rudes hoc capiat Systema, sanguis recoctus alcalia profert, inquirunt, concedimus, vapescent aut nimis detritus acefcit, verosimile est; sed quinam sint certi acidorum carhaeteres, quæ gentilitiæ sint eorum agendi virtutes frustrâ quæsieris: *solus noscat is qui propter semetipsum omnia operatus est*; hisque tuas aptare indicationes omninò periculofum puta, acetum, omphacium sunt de acidorum genere: quàm sint diversa vel imperitis notum est; Sic rerum essentia non dignoscuntur, ipsarum indoles naturæ motibus innotescit. In febre continuâ astu præservido torrentur viscera, obstinata ægrotantem occupant vigilie, urget importuna sitis, furore micant oculi, phrenitis succedit, saphenæ vena tumditur, velocissimo impetu in arcum prorumpit sanguis, quis inde cruorem cœspitare aut inspissari conjiciat, nonne, sanguinem in velocissimum orbem rotatum potiùs deduxeris.

V.

NOVUM oritur Medicinæ systema, Naturæ dissolutionem time, Novatores diversis innixi principiis, dum ipsius indagacioni student impensius, suis ipsam rationibus & experimentis obruunt & labefaciunt, causam sciscitaris? è novis rationibus novas eruunt indicationes, à novis indicationibus nova repò-

tunt medicamenta, hinc legitima pervertitur medendi methodus; Nullum enim tam inconcussum Medicinæ principium putaveris, quod probabili ratione convelli non possit. In tantâ opinionum diversitate, quæ calcanda tibi sit via quæris; suo quemlibet insanire modo permittas. Sic ex humano corpore spiritus animales turpiter expungi obstupescis, divique senis ruere doctrinam luges, mireris, sed non invideas. Medicos de ovali fætûs foramine intueris follicitos, *semper auditor tantum nunquam reponas*, nugas interim putaveris. Ad explicandam morborum naturam coagulationis systema jejuniûs exploras, talem rationcinandi modum suis authoribus lubenter permitte; Quid acerbum, austerum, amarum in humano corpore valeant ab Hippocrate edoctus intetrim mediteris. Opposita cum oppositis in Chymia fervere vides, quot illidant Scopulis qui ad alcalium familiam in morbis confugiunt inde colligas; sicut enim quædam acida alcalium vices gerunt, sic & quædam alcalia acidorum vices interdum gerere probabile puta. Non te tamen omnia Neotericorum inventa latere velim, sicut enim quamplurimis sua inanis garrulitas, sic & quibusdam sua laus quamplurima; hos ad solius Mechanicæ leges morborum cum curationes tum causas referentes arbitreris. His adjutus quò natura vergit eò duces, diversosque ipsius motus ipsâ monstrante viam expendens, non populari fultus rumore famam subripies specificis, nec praxeos novitati studebis ambitiosius: sed persequi cœta, cruda digerere, invigilare orgasmo, non indocilis Naturæ scrutator intelliges; hinc si quid initio morborum movendum, Naturæ conatu primum admonitus, movebis; sæpè enim ibi non est expectanda cœctio, ubi nulla futura est; sic systematum derisor perpetuus, sublevandæ soli naturæ tutò, citò & jucundè prudens invigilabis, omnique systemate Naturam superiorem agnosces.

Non ergo à Systematum varietate Medicina præstantior.

Domini Doctores disputaturi.

M. Carelus Thuillier.

M. Claudius du Fresne,
Chirurgia Professor.

M. Guido Crescentius Fa-
gon, Archiætrorum Co-
mes.

M. Carolus Bompert.
M. Nicolaus Andry,
Professor Regius.

M. Antonius le Clerc.
M. Philippus Hecquet.

M. Jacobus de Bourges.
M. Petrus Cresté.

Proponebat Parisiis HYACINTUS THEODORUS BARON,
Parisiinus, Baccalaureus Medicus. A. R. S. H. 1709.

Typis Viduæ Francisci Muguet, Regis & Facult. Medicinæ Typographi.